

Na tšešu nježelu spótnego casa

Okuli

BIBLISKI VOTUM – GRONO TYŽENJA

Něchten, kenž ze swójeju ruku za chołujom pšimnjo a naslědk glěda, njegóži se do Bóžego kralejstwa.

Lukas 9, 62

EPISTOLA

w lišće Pawoła na Hefezarjow we 5. stawje

¹ Toś žiśo ako lubowane žiśi za Bóžym pšikładom, ² a bužćo žywe w lubosći, ako teke Kristus nas jo lubował a sam se za nas powdał ako dar a wopor, Bogu k słodkej wóni. ³ Hurstwo pak a wšykna njecystosć abo póżytnosć njesměju razka mjazy wami byś to grono, ako se słuša za swětych. ⁴ Teke njeplecne słowa abo narske grono abo prozne wawrjenje wam njepśistoje, ale wjele wěcej žěkowanje. ⁵ Pśeto to dejśo wěžeś, až njama žeden hurá daniž njecysty daniž póżytny – to su pšibogojske – derbstwa we Kristusowem a Bóžem kralejstwje. ⁶ Njedajśo se wót nikogo zawjasć z proznymi słowami; pśeto tych wěcow dla pśižo Bóža štrofa na žiśi njeposlušnosći. ⁷ Njebužćo teke jich zwěstkarje. ⁸ Pśeto něga sćo byli sámnosć; něto pak sćo swětło we tom Knězu.

Hefezarje 5, 1–8a

EWANGELIUM

pla Lukasa we 9. stawje

⁵⁷ Ako Jezus zěšo ze swójimi wuknikami do Jerusalema, gronjašo jaden k njomu: "Ja cu za tobu hyś, źožkuli ty pójžoś." ⁵⁸ A Jezus źašo k njomu: "Liški maju jamy, a togo njebja ptaški gnězda; ale cłowjeka Syn njama nic, źo by swóju głowu scynił." ⁵⁹ A wón źašo jadnomu drugemu: "Ži za mnu." Ten pak gronjašo: "Kněžo, pšiwдай mě, aby nejpjerwej šel swójogo nana zakopat." ⁶⁰ Jezus pak źašo k njomu: "Daši te wumarłe swójich wumarlikow zakopuju, ty pak ži a zapowědaj Bože kralejstwo!" ⁶¹ A zasej drugi gronjašo: "Kněžo, ja cu za tobu hyś, ale pšiwдай mě nejpjerwej, aby se rozžognował z tymi, ako we mójom domje su." ⁶² Jezus pak źašo k njomu: "Něchten, kenž ze swójeju ruku za chołujom pšimnjo a naslědk glěda, njegóži se do Bóžego kralejstwa."

Lukas 9, 57–62

MÓDLITWA

1. Wšogomócnny Bog, ty dajoš nam zapowědaš šerpjenje a wumrěse twójogo Syna, aby zbóžnosť dostali. Pšosymy tebe: Daj nam wótwórjonu wutšobu, aby jogo lubość wuznali a za nim chójžili, pšez našogo Kněza Jezom Kristusa, twójogo Syna, kenž jo z tobu a ze swětym Duchom žywy a se kněży wót nimjernosći do nimjernosći. Amen.
2. Zmilny, gnadny Wósc, pšosymy tebe: Wusłyš módlitwy twójogo luda, kótaryž ku tebe se woła we tešnosći a nuzy. Wupšestrěj twóju mócnu ruku a woboraj wšomu złemu, pšez našogo Kněza Jezom Kristusa. Amen.